

Errugbia

Euskarians-Ipar Irlanda, gozatzeko

Bihar jokatu du Euskariansek, Donostian, bere lehen hamabosteko partida

Euskal Selekzioak Bilboko San Mamesen Kataluniaren kontra jokatu zuenez geroztik, bihar arratsaldean Donostiako Anoeta estadioan jokatu du Euskarians-Ipar Irlanda izango da Hegoaldean ikusitako garrantzitsuen (ETBI, 16:15). Euskal Herri osoko jokalariek ari dira Euskariansen.

Koldo Alduntzin / Donostia

GUTXITAN antolatu ahal izango da Hego Euskal Herrian bihar ikusgai izango den tamainako errugbi partida bat. Egia da orain dela urte batzuk Euskal Selekzioak maizago jokatzen zituela nazioarteko norgehiagokak, baina aspalditxo urri samar ziren. Euskariansen euskal errugbia indartu nahi du, eta maila handiko partidak jokatzea du xede, baina baita errugbizaletasuna bizkortzea ere.

Jakin badakigu Ipar Euskal Herriko jokalariekin soilik osa litekeela selekzio aski indartsua, baina Gerard Murillok, Euskariansen bultzatzaile nagusiak, beti izan du gogoko bi aldeetako jokalariek batzea elkarrekin ari zirela, eta horrela egin du oraingoan ere. Jakina da bidai anitz egin duela Irlandara eta han izandako hartu-emanen esker talde indartsua ekartzea lortu duela.

Anoeta estadioa handiegia gerta daiteke, baina Asier Altunak hau dio: «Ez da lotsatu behar eta hemen dena erakutsi behar da. Hobe da egia erakustea eta ezkutu ez ibiltzea. Emaizta zelaian ikusiko da, baina antolatzaileek Hegoaldean ere errugbia badela erakutsi nahi dute. Hortaz, ikus-kizuna eskaintzen saiatuko gara eta ahal bada jende askok ikus dezala».

Entrenatzaileak hauek dira: Rene Viguera, errugbi jokalaria ohia eta unibertsitatean erakusten ari dena, eta Iñaki Laskurain, era guztietako errugbia egin duen eibartarra. Hautatzailea, berriz, Pello Dospital. Honela zio-

en Laskurainek partidaz: «Nik uste dut partida polita izango dela. Irlandarrak itxuraz nahiko jokari ospetsuekin datoz, eta joko ikusgarria izango da. Bestalde, orain dela urte batzuk Zarautzen aritu ziren irlandarrak EAEko Selekzioaren kontra eta alde handia zegoen».

Nolanahi ere, esperientzia handiko jokalariek ari dira Euskariansen. Gidari nagusi aurten Miarritzek fitxatu duen kanbotarra izango da, Jean-Michel Gonzalez; aurten Frantzia A-rekin aritu da. Lehen lerroa Altunarekin eta Bidartekin osatuko du, orain dela bi sasoi bezala Baionan. Hirugarren lerroan Betsen azpimarratuko genduko, eta joko antolatzaileko Akozoberri eta Etxeto; biak elkarrekin ari dira Bordelen.

Gaur helduko dira irlandarrak

Sondikako aireportura • Gaur goizeko 09:30etan dira heldukoak Ipar Irlandakoak Sondikara. Gernikako Urbieta zelaian entrenatuko dira 11:00etan, eta, bazkaldu ondoren, Donostiara abiatuko dira. Bihar 10:00etan Atletikoren Bera-Bera entrenatuko dira. Euskarians, berriz, gaur Anoetan izango da arratsaldeko 17:00etan, eta bihar Hernaniko Landaren entrenatuko da, goizean.

Bestalde, Euskal Hintxek autobusa antolatu dute Bilbotik Donostiara joateko. Zabalburu plaza irtengo da bihar arratsaldeko 14:00etan eta Alde Zaharreko Unai Tabernan egin daiteke izenematea. Bidaiak eta sarrera-txartelak 1.500 pezeta balio du.

◆ Asier Altuna ◆ Akizeko jokalaria

«Urrats handia da guztiontzat»

HEGO eta Ipar Euskal Herrian aritu eta ari den jokalaririk onenetakoa da Asier Altuna aňorgarra. Iaz Baiona utzi eta amaitu den sasoiaren Akizen jardun du.

■ Behingoz Euskal Herri osoko jokalariek elkarrekin ikusteak poza sortuko zizun.

Dudarik gabe urrats garrantzitsua egingo bi aldeetako euskaldunek elkarrekin ofizialki noizbait joko dezaten, nahiz eta oraingoz Iparraldekoak gehiengoak diren, pentsatu behar baita maila hobeak dutela Iparraldean. Partida bera niretzat oso gauza polita da, eta Anoetan errugbia ikusi ahal izatea interesgarria izango da, jende asko bildu nahi baita horrelako partida bat ikusteko.

■ Zer joko espero duzue ipar irlandarrek egitea?

Kontuan hartuta Irlandako selekzioa Ipar eta Hego Irlandako jokalariek osatzen dutela, pentsa daiteke joko itxuratsua egingo dutela. Nik uste dut joko serioa eta gogorra izango dela aurrean eta hor egongo dela partidaren gakoa. Joko irekian, bestalde, erne ibili beharko dugu, oso indartsu jokatzen baitute.

■ Irlandarrek biziki jokatu ohi dute, defentsan oinarrituz, baina baloia mugitzen badakite.

Bai, ikusi besterik ez dago V Nazioetako Torneoan Frantziak ederki kostatu hartu zituztela mendean, eta maila dotorea erakutsi zuten. Zazpikakoan joko-

tzen ikusi ditut, eta ondo erabiltzen dute baloia; konpletoak dira.

■ Nola helduko zarete prestakuntza aldetik?

Orain dela hilabete bat amaitu genuen sasoi gehienok, baina astean birritan korrika saioak egiten ditugu. Bizpahiru aste barru hasiko gara taldean prestatzen 98-99ko sasoiari begira. Nik ez nituen azken partidak jokatu eta ez nintzen nekatu. Mentalizatuta jokatuta, beste partidetan bezalaxe jardun dezakezu.

■ Erakarriko al du neurketak Ipar Euskal Herriko zalerik?

Erakarri behar luke, baina ezinbestekoa izango da hemen publikitatea egitea. Orain dela

EUSKARIANS-EKO JOKALARIAK

Jokalaria	Taldea	Adina	Garaiera	Pisua
Asier Altuna	Akize	29	1,84	105
J. Philippe Bidart	Tyrosse	30	1,80	90
J. Michel Gonzalez	Miarritze	29	1,75	105
Gonzalo Amunarriz	Canoe	30	1,91	100
Alain Lagouarde	Paue	29	1,94	108
Serge Betsen	Miarritze	24	1,82	92
Jon Etxebarria	Getxo	36	1,88	95
Willy Taoffenua	Grenoble	35	1,87	103
Guy Akozoberri	Begles	31	1,82	76
Vincent Etxeto	Begles	29	1,82	80
Stephane Bujaldon	Baiona	25	1,82	80
Christian Coeurville	Miarritze	30	1,81	85
Ramuntxo Orhategarai	Baigorri	24	1,80	80
Giles Dagerre	Donibane-Lohizune	30	1,82	85
Francisco Puertas	Donibane-Lohizune	34	1,83	82
Aratz Gallastegi	Getxo	21	1,73	71
Unai Aurrekoetxea	Getxo	26	1,72	73
Philippe Bidabe	Miarritze	20	1,78	77
Laurent Etxebarne	Maule	25	1,90	92
Oscar Astarloa	Elorrio	23	1,94	95
Jean Ithurbide	Garazi	28	1,89	110
Jean Yves Pierry	Baiona	23	1,88	101
Borja Jimenez	Miarritze	20	1,83	106
Samuel Arraras	Iruña	24	1,96	95
Nicolas Duboscq	Castres	25	1,85	88



Junior mailako Euskarians, Argentinaren aurka jokatu zuenean.

KOLDO ALDUNTZIN



Asier Altuna.

KOLDO ALDUNTZIN

gutxi Frantziako finala jokatu zen eta bihar Kopakoa jokatu da; gainera, futbol mundiala dator. Agian, beste garai batean gehiago erakarriko zukeen. Espere dut jendea hurbiltzea. X

Eskubaloia

Espainia-Alemania eta Suedia-Errosia, Europako Txapelketako finalerdiak

■ Espainia eta Suedia izan dira

bi multzotako lehen sailkatuak

Agentziak / Merano

ERABAKITA daude jada Eskubaloiko Europako Txapelketako finalerdiak. Espainiak Alemaniaren aurka jokatu du, atzo ligaxoko azken partiduan Errusiari 29-27 irabazi ostean. Bi taldeak sailkatuta zeuden jada finalerdiak jokatzeke, baina norgehiagokak bazuen zer erabaki: finalerdietako aurkaria. Galtzaileak Suediaren aurka jokatu behar zuen, Txapelketan honetan hobekien jokatzen duen selekzioaren aurka, eta irabaztea zen modu bakarra hori sailhesteko. Espainia eta Errusiako entrenatzaileek atsedena eman zieten beren gizon onenei finalerdia hobeto prestatzeko. Errusiak hobeto jokatu zuen lehenengo zatian (15-11) Khodkov jokalariek lanari esker, baina bigarren zatian Espainiak 18-12ko partziala lortu zuen eta 29-27 nagusitu zen.

Espainia uste baino hobeto aritu da lehen fasean, partidu guztiak irabazi baititu jokalariek garrantzitsuen partidetza eduki gabe: Urdangarin eta Masip, adibidez. Alemaniaren aurkako finalerdian Espainia da faborito. Beste finalerdian, Errusia-Suedia, bi klasiko: emaitza ez dago hain garbi. X

Sokatira

Urruñan erabakiko da gaur 640 kiloetako finalistak zein diren

Koldo Alduntzin / Donostia

GAUR amaituko da Ipar Euskal Herriko Sokatira Txapelketako sailkapen fasea, 640 kiloetako bigarren jardunaldiarekin. Gaueko 21:00etan hasita, 9 talde lehiatuko dira, bi multzotan banatuta. Lehen multzoan, Uztaritze taldea da aitzinetik 5 punturekin, Larretako Laurent de Gossen jokaturiko lehen jardunaldian mendean hartu baitzuten Napurrak B, Urruñak, Gabadi eta Baiona hurrenez hurren.

Bigarren multzoan, Ezpeletako Napurrak A gailendu zen Jutsi, Zuraide eta Laurent de Gosserekin aitzinetik. Ezpeletarrak, beraz, lau punturekin dira. Multzo bakoitzeko lehen hiru sailkatuek lortuko dute finalerako txartela. X